



Broj:
Sarajevo, __.__. 2024 godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na sjednici održanoj dana __.__. 2024. godine, donijelo je:

ZAKLJUČAK

(Prijedlog)

1. Gradsko vijeće Grada Sarajeva razmatralo je Nacrt Odluke o izmjenama Odluke o načinu korištenja, održavanja i čuvanja uređenih vodotoka na području Grada Sarajeva i upućuje ga u javnu raspravu u trajanju od 7 dana od dana upućivanja Nacrta Odluke u javnu raspravu.
2. Subjekti u javnoj raspravi su klubovi gradskih vijećnika, JP Sarajevo d.o.o. i drugi subjekti koji iskažu interes, a tokom trajanja javne rasprave, ovaj zaključak, čiji je sastavni dio utvrđeni Nacrt Odluke o izmjenama Odluke o načinu korištenja, održavanja i čuvanja uređenih vodotoka na području Grada Sarajeva iz tačke 1. ovog zaključka, bit će javno dostupan na službenoj internetskoj stranici Grada Sarajeva, s istaknutom poveznicom pod naslovom „Poziv na javnu raspravu o Nacrtu Odluke o izmjenama Odluke o načinu korištenja, održavanja i čuvanja uređenih vodotoka na području Grada Sarajeva“.
3. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke iz tačke 1. ovog zaključka, tretirat će se kao prilog javnoj raspravi.
4. Za organizaciju i vođenje javne rasprave određuje se gradonačelnica putem Gradske službe za urbano planiranje, investicije, stambene i komunalne poslove.

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IZMJENAMA ODLUKE
O NAČINU KORIŠTENJA, ODRŽAVANJA I ČUVANJA UREĐENIH VODOTOKA
NA PODRUČJU GRADA SARAJEVA
(Nacrt)

Predlagač: Gradonačelnica

Obrađivač: Služba za urbano planiranje,
investicije, stambene i komunalne poslove

Sarajevo, oktobar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 9. stav (4) Zakona o vodama Kantona Sarajevo („Službene novine Kantona Sarajevo“, br. 18/10, 43/16 i 44/22), člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 22. Odluke o načinu korištenja, održavanja i čuvanja uređenih vodotoka na području Grada Sarajeva („Službene novine Kantona Sarajevo“, broj 14/24) Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Nacrt)

**ODLUKU
O IZMJENAMA ODLUKE
O NAČINU KORIŠTENJA, ODRŽAVANJA I ČUVANJA UREĐENIH VODOTOKA
NA PODRUČJU GRADA SARAJEVA**

Član 1.

(Izmjena člana 15.)

U Odluci o načinu korištenja, održavanja i čuvanja uređenih vodotoka na području Grada Sarajeva („Službene novine Kantona Sarajevo“, broj 14/24), član 15. stav (5) mijenja se i sada glasi:

“(5) Ovom odlukom tekuće održavanje, čišćenje i čuvanje vodnih objekata i uređenih korita u vlasništvu Grada, povjerava se Javnom preduzeću za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću (u daljnjem tekstu JP „Sarajevo“ d.o.o.), u skladu sa Kantonalnim zakonom i članom 8. stav (4) ove odluke, a navedena prava i obaveze JP „Sarajevo“ d.o.o. teku od 01.01.2026. godine.”

Član 2.

(Izmjena člana 19.)

U Odluci o načinu korištenja, održavanja i čuvanja uređenih vodotoka na području Grada Sarajeva („Službene novine Kantona Sarajevo“, broj 14/24), član 19. mijenja se i sada glasi: „JP „Sarajevo“ d.o.o. će do 01.06.2025. godine izraditi elaborat o ekonomskoj opravdanosti reorganizacije JP „Sarajevo“ d.o.o. u skladu sa članom 15. stav (5) osnovne odluke“.

Član 3.

(Izmjena člana 23.)

U Odluci o načinu korištenja, održavanja i čuvanja uređenih vodotoka na području Grada Sarajeva („Službene novine Kantona Sarajevo“, broj 14/24), član 23. mijenja se i sada glasi: Ova odluka stupa na snagu narednog dana od dana objavljivanja u „Službenim novinama Kantona Sarajevo, a primjenjuje se od 01.01.2026. godine”.

Član 4.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo, __. __. 2024. godine

O B R A Z L O Ž E N J E

PRAVNI OSNOV

Član 9. stav (4) Zakona o vodama Kantona Sarajevo („Službene novine Kantona Sarajevo“, br. 18/10, 43/16 i 44/22) propisuje da Gradsko vijeće donosi odluku o načinu korištenja i drugim pitanjima od značaja za održavanje i čuvanje zaštitnih vodnih objekata koji su u vlasništvu Grada.

Pravni osnov za donošenje ove odluke sadržan je i u odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje, kao i u članu 22. Odluke o načinu korištenja, održavanja i čuvanja uređenih vodotoka na području grada Sarajeva („Službene novine Kantona Sarajevo“, broj 14/24) kojim je propisano da se izmjene i dopune Odluke vrše na način i po postupku predviđenom za njeno donošenje.

RAZLOZI DONOŠENJA

Na osnovu inicijative JP „Sarajevo“ d.o.o. i Zaključka Gradskog Vijeća broj: 01-GV-02-988-1/24 od 23.07.2024. godine kojim se traži da gradonačelnica razmotri problematiku početka primjene Odluke o načinu korištenja, održavanja i čuvanja uređenih vodotoka na području grada Sarajeva („Službene novine Kantona Sarajevo“, broj 14/24), odnosno nedovoljne tehničko-operativne spremnosti Javnog preduzeća „Sarajevo“ da organizira tekuće održavanje vodotocima, predlaže se izmjena roka početka primjene obaveza koja data JP Sarajevo osnovnom Odlukom za 01.01.2026. godinu.

Također, ostale odredbe propisane osnovnom odlukom počinju se primjenjivati od 01.01.2026. godine radi dodatne adekvatne pripreme nadležnih službi, a sve zbog složenosti predmetne oblasti.

O B R A Z L O Ž E N J E P R A V N I H R J E Š E N J A

Član 1. se tekuće održavanje, čišćenje i čuvanje vodnih objekata i uređenih korita u vlasništvu Grada povjerava Javnom preduzeću za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću (u daljnjem tekstu JP „Sarajevo“ d.o.o.), u skladu sa Kantonalnim zakonom i članom 8. stav (4) ove odluke, a navedena prava i obaveze JP „Sarajevo“ d.o.o. teku od 01.01.2026. godine.

Član 2. određuje obaveze u prelaznom periodu, odnosno obavezu izrade ekonomske opravdanosti reorganizacije JP „Sarajevo“ d.o.o. do 01.06.2025. godine, a zbog planiranog prijenosa poslova na održavanju i čuvanju u skladu sa ovom odlukom.

Član 3. definira stupanje na snagu i prolongiranje primjene Odluke za 01.01.2026. godinu.

Član 4. definira stupanje na snagu predmetne Odluke o izmjeni Odluke.

FINANSIJSKA SREDSTVA

Finansijska sredstva za stvaranje uslove za početak primjene ove odluke planiraju se u budžetu Grada Sarajeva za 2025. godinu iz dijela ostvarenog viška prihoda nad rashodima koje ostvari JP „Sarajevo“ d.o.o u 2024. godini i iz drugih raspoloživih izvora, a za provođenje ove odluke sredstva se planiraju u budžetu Grada Sarajeva, u saradnji sa Kantonom Sarajevo (namjenska i druga budžetska sredstva) i gradskim općinama.

Raz	Glava	Potr. jed.	Ekon. kod	Sub-analitika	Funkcija	OPIS	Iznos u KM
20	01	0001	20010001			Ministarstvo zdravstva Kantona Sarajevo	
						Sa ekonomskog koda (Izvor 10)	
20	01	0001	20010001	6145	KAN002	Prevenija obnavljanje i saniranje područja sarajevske Kantone Sarajevo	204.875
						Na ekonomski kod (Izvor 10)	
20	01	0001	20010001	6153	KAL003	Igrađnja, rekonstrukcija i opremanje javnih zdravstvenih ustanova Kantone Sarajevo	204.875

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-6687/24
29. februara 2024. godine
Sarajevo

Ministar
Dr. Afan Kalamujić, s. r.

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i čl. 17. stav (1) i stav (3) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu Pravobranilaštva Kantona Sarajevo, ministar finansija donosi slijedeću

ODLUKU O PRERASPODJELI SREDSTAVA U BUDŽETU KANTONA SARAJEVO ZA 2024. GODINU ZA BUDŽETSKOG KORISNIKA PRAVOBRANILAŠTVO KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 1.150 KM u razdjelu 12050001 Pravobranilaštvo Kantona Sarajevo i to:

Raz	Glava	Potr. jed.	Ekon. kod	Sub-analitika	Funkcija	OPIS	Iznos u KM
12	05	0001	12050001			Pravobranilaštvo Kantona Sarajevo Sa ekonomskog koda (Izvor 10)	
12	05	0001	12050001	6136	033	Unajmljivanje imovine, opreme i nematerijalne imovine	1.150
						Na ekonomski kod (Izvor 10)	
12	05	0001	12050001	6112	CEA004	Otpremnine zbog odlaska u penziju	1.150

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-6785/24
29. februara 2024. godine
Sarajevo

Ministar
Dr. Afan Kalamujić, s. r.

GRAD SARAJEVO Gradsko vijeće

Na osnovu člana 9. stav (4) Zakona o vodama Kantona Sarajevo ("Službene novine Kantona Sarajevo", br. 18/10, 43/16 i 44/22) i člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), Gradsko vijeće Grada Sarajeva, na 38. sjednici održanoj dana 27.03.2024. godine, donijelo je

ODLUKU

O NAČINU KORIŠTENJA, ODRŽAVANJA I ČUVANJA UREĐENIH VODOTOKA NA PODRUČJU GRADA SARAJEVA

DIO I - OSNOVNE ODREDBE

Član 1.
(Predmet Odluke)

Ovom odlukom regulira se način korištenja i druga pitanja od značaja za održavanje i čuvanje zaštitnih vodnih objekata i uređenih korita u vlasništvu Grada Sarajeva (u daljnjem tekstu: Grad), uređenih vodotoka I. i II. kategorije na području Grada Sarajeva.

Član 2.
(Jednakopravnost spolova)

Gramatička terminologija korištenja muškog i ženskog roda u ovoj Odluci podrazumijeva uključivanje oba roda.

DIO II - KORIŠTENJE, ODRŽAVANJA I ČUVANJA UREĐENIH VODOTOKA POGLAVLJE I - VODNO DOBRO, JAVNO VODNO DOBRO

Član 3.
(Vodno dobro)

- (1) Vodno dobro definirano je u članu 7. Zakona o vodama ("Službene novine Federacije BiH", broj 70/06) (u daljnjem tekstu: Osnovni zakon) kao skup zemljišnih čestica koje obuhvataju:

- zemljište na kojem je površinska voda trajno ili povremeno prisutna i zbog toga se oblikuju posebni hidrološki, geomorfološki i biološki odnosi, koji određuju vodne i o vodi ovisne ekosustave;
- osnovno korito tekućih voda, uključujući otoke i obale do izrazite geomorfološke promjene;
- priobalni pojas širine 15 metara od granice obale (izrazite morfološke promjene) za površinske vode I. kategorije, odnosno priobalni pojas širine 5 metara od granice obale (izrazite morfološke promjene) za površinske vode II. kategorije;
- zemljište potopljeno stajaćim vodama, uključujući obalu do najvišega zabilježenog vodostaja;
- napuštena riječna korita koje voda povremeno plavi, močvare i zemljište potopljeno vodom zbog zahvata u prostoru;
- uređeni inundacijski pojas;
- zemljište ispod i pored vodnih objekata iz članka 14. stav (1) tačka 1. Osnovnog zakona.

- (2) Vodno dobro može biti u vlasništvu Federacije, kantona, grada, općine, pravne ili fizičke osobe.
- (3) U slučaju prodaje zemljišne čestice u vlasništvu pravne ili fizičke osobe koja pripada vodnom dobru, pravo preče kupovine ima Federacija, kanton, grad, odnosno općina.

Član 4.

(Određivanje granica vodnog dobra)

- (1) Određivanje granice vodnog dobra za površinske vode II. kategorije, određuje Ministarstvo privrede Kantona Sarajevo u skladu sa članom 6. stav (2) Zakona o vodama Kantona Sarajevo ("Službene novine Kantona Sarajevo", br. 18/10, 43/16 i 44/22) (u daljnjem tekstu: Kantonalni zakon).
- (2) Ograničenja za aktivnosti na vodnom dobru upisuju se u zemljišni katastar.

Član 5.

(Zahvati na vodnom dobru)

- (1) U skladu sa članom 12. Osnovnog zakona, na vodnom dobru nije dozvoljeno izvoditi zahvate, osim:
 - a) gradnje objekata javne infrastrukture (putevi, željeznice, mostovi, gasovodi i sl.);
 - b) gradnje zaštitnih vodnih objekata;
 - c) zahvata koji se odnose na poboljšanje hidromorfoloških i bioloških karakteristika površinskih voda;
 - d) zahvata koji se odnose na zaštitu prirode;
 - e) gradnje objekata potrebnih za korištenje voda (objekti za zahvat i akumuliranje vode) i objekata za osiguranje plovidbe i zaštitu od utapanja na prirodnim kupalištima;
 - f) gradnje objekata namijenjenih zaštiti voda od zagađenja;
 - g) gradnje objekata namijenjenih za potrebe rada državnih organa, zaštitu i spašavanje ljudi, životinja ili imovine od prirodnih i drugih nesreća, te provođenje zadataka policije.
- (2) Zahvati iz stava (1) ovoga člana podliježu uvjetima propisanim ovim zakonom i propisima o građenju.

Član 6.

(Javno vodno dobro)

- (1) Javno vodno dobro definirano je u skladu sa članom 9. Osnovnog zakona i čine ga zemljišne čestice iz člana 3. stav (1) ove odluke, koje su do dana stupanja na snagu Osnovnog zakona bile upisane u zemljišnim knjigama kao javno dobro, državno vlasništvo ili vlasništvo grada ili općine, odnosno koje su na temelju zakona postale državno vlasništvo.
- (2) Javnim vodnim dobrom smatraju se, sve do dokaza suprotnoga, i one zemljišne čestice iz člana 3. stav (1) ove odluke koje do dana stupanja na snagu Osnovnog zakona nisu bile upisane u zemljišne knjige, odnosno koje su upisane u zemljišne knjige, ali nitko nije naveden kao njihov vlasnik.
- (3) Javno vodno dobro definirano u stavu (1) i stavu (2) ovoga člana je dobro od općega interesa i u vlasništvu je Grada Sarajeva za sve površinske vode I. i II. kategorije uređenih vodotoka u smislu Osnovnog zakona, odnosno prema podacima o upisu vlasništva u zemljišnim knjigama, upisanim do dana stupanja na snagu Kantonalnog zakona.
- (4) Nadležnosti upravljanja javnim vodnim dobrom vrše organi vlasti, pravna lica i druge institucije, u obimu i na način propisan Osnovnim zakonom ili drugim aktima nadležnih tijela kojima je preneseno pravo upravljanja javnim vodnim dobrom, a Grad Sarajevo je nadležan za čuvanje, održavanje, korištenje i zaštitu uređenih vodotoka druge kategorije na području Grada Sarajeva, u skladu sa Zakonom.

Član 7.

(Pripadnost vodnog dobra)

- (1) Rješenjem Ministarstva privrede Kantona Sarajevo utvrđuje se pripadnost vodnoga dobra javnom vodnom dobru za površinske vode II. kategorije, prema članu 8. stav (1) Kantonalnog zakona.
- (2) Javno vodno dobro ne može biti predmet prometa, ali može, pod posebnim uslovima određenim Osnovnim

zakonom ili na zakonu zasnovanom podzakonskom propisu, biti predmet ograničena prava korištenja u obliku zakupa.

- (3) Federalni ministar donio je propis o načinu i uvjetima ograničena prava korištenja javnoga vodnog dobra iz stava (1) ovoga člana, u skladu sa članom 8. stav (1) Osnovnog zakona.
- (4) Zemljišna čestica prestaje biti djelom javnog vodnog dobra ako se rješenjem ministra iz stava (1), odnosno iz stava (3) ovoga člana utvrdi da čestica prestaje ispunjavati uslove javnog vodnog dobra.

POGLAVLJE II. VODNI OBJEKTI, KORIŠTENJE VODNIH OBJEKATA I UREĐENIH KORITA I UPRAVLJANJE VODAMA

Član 8.

(Zaštitni vodni objekti)

- (1) Zaštitni vodni objekti iz člana 9. stav (1) Kantonalnog zakona su objekti koji pripadaju površinskim vodama II. kategorije su nasipi, obaloutvrde, uređena korita vodotoka, odvodni kanali, obodni (lateralni) kanali za zaštitu od vanjskih voda, odvodni tuneli, brane s akumulacijama, ustave, retenzije, crpne postaje za obranu od poplava i drugi pripadajući objekti, kao i objekti za zaštitu od erozija i bujica.
- (2) Zaštitni vodni objekti iz stava (1) ovoga člana koji pripadaju uređenim vodotocima II. kategorije i uređena korita u urbanim područjima na površinskim vodama I. kategorije u vlasništvu su Grada Sarajeva.
- (3) Grad je dužan obezbijediti materijalne i organizacijske uslove za održavanje zaštitnih vodnih objekata iz stava (1) ovoga člana u funkcionalnom stanju, korištenje u skladu sa njihovom prirodom i namjenom te njihovo čuvanje od uništenja, oštećenja ili nenamjenskog korištenja.
- (4) Grad može pravo upravljanja i korištenja vodnih objekata iz stava (1) ovoga člana prenijeti u nadležnost drugih organa vlasti, pravnog lica ili druge institucije u obimu i na način propisan Kantonalnim zakonom, odnosno odlukom Grada Sarajeva.

Član 9.

(Korištenje vodnih objekata i uređenih korita)

- (1) Vodni objekti i uređena korita na području Grada Sarajeva koriste se u skladu sa njihovom namjenom i ovom odlukom.
- (2) Svako nenamjensko korištenje vodnih objekata i uređenih korita koje ima za posljedicu promjenu kvaliteta vode i stvaranje oštećenja na uređenim koritima i obalama vodotoka, zakonski je kažnjivo.
- (3) Svako nenamjensko korištenje uređenih vodnih objekata, uređenih korita i priobalnog pojasa, suprotno odredbama ove odluke, prekršajno je kažnjivo.

Član 10.

(Upravljanje vodama i nadležnosti)

- (1) Upravljanje vodama čini skup odluka, aktivnosti i mjera čija je svrha održavanje, poboljšanje i ostvarivanje potrebnog i održivog režima voda na području grada Sarajeva u skladu sa prirodnim uslovima, planom, potrebama i mogućnostima, a ostvaruje se, između ostalog, uređenjem voda i vodotoka i zaštitom od štetnog djelovanja voda.
- (2) Nadležnost nad upravljanjem vodama na području Grada Sarajeva, u skladu sa Zakonom, imaju organi Federacije

Bosne i Hercegovine, Kantona Sarajevo, odnosno općina u sastavu Kantona Sarajevo.

POGLAVLJE III. ZAŠTITA OD ŠTETNOG DJELOVANJA VODA I ODRŽAVANJE VODNIH OBJEKATA I UREĐENIH KORITA

Član 11.

(Zaštita od štetnog djelovanja voda)

Zaštita uređenih vodotoka obuhvata:

- a) zaštitu i odbranu od poplava;
- b) zaštitu obala i dna korita od erozije i bujica;
- c) čišćenje i održavanje vodnih objekata i uređenih korita.

Član 12.

(Održavanje uređenog korita)

Održavanje uređenog korita podrazumijeva preduzimanje niza aktivnosti u cilju održavanja korita u funkcionalnom i urednom stanju, sanaciju nastalih oštećenja, kao i sprječavanje nastajanja novih oštećenja, a naročito:

- a) Redovno čišćenje korita uređenog zatvorenog i otvorenog korita od otpadaka i nanosnog materijala;
- b) Redovno održavanje urednim uređenu kamenu i betonsku obalu uređenog korita, a na uređenim travnatim kosinama košenje i krčenje šiblja;
- c) Redovno čišćenje i održavanje ulaznih građevina zatvorenih reguliranih dijelova korita i izlaznih građevina pritoka rijeke Miljacke;
- d) Uklanjanje riječnog nanosa;
- e) Redovne sanacije nastalih oštećenja na uređenom koritu;
- f) Hortikultumo uređenje obale i priobalnog pojasa u skladu sa planom hortikultumog uređenja, kao i postavljanje zaštitnih ograda;
- g) Druge adekvatne radnje neophodne za održavanje uređenog korita u urednom i funkcionalnom stanju.

Član 13.

(Zabrane)

- (1) Zabranjuje se trajno ili privremeno odlaganje otpada u uređeni vodotok, ispuštanje otpadnih voda koje može uticati na kvalitet vode i imati štetne posljedice po ekosisteme i okoliš.
- (2) Na vodnom dobru i priobalnom zemljištu zabranjene su djelatnosti i zahvati u smislu općih zabrana definiranih članom 95. Osnovnog zakona.

Član 14.

(Vodni katastar i evidencija Grada)

Općine su dužne u skladu sa Osnovnim zakonom, nakon uređenja neuređenog vodotoka i pribavljanja upotrebne dozvole, obavijestiti Grad o poduzetim aktivnostima i dostaviti relevantnu dokumentaciju Agenciji za vodno područje rijeke Save.

POGLAVLJE IV - PLANIRANJE, FINANSIJSKA SREDSTVA I NADZOR

Član 15.

(Plan održavanja vodnih objekata i uređenih korita u vlasništvu Grada)

- (1) Trogodišnji plan čuvanja, održavanja, korištenja i zaštite uređenih vodotoka iz nadležnosti Grada je sastavni dio trogodišnjeg plana rada Grada koji donosi gradonačelnica u skladu sa Zakonom o razvojnom planiranju i upravljanju razvojem u FBiH.

- (2) Godišnji plan čuvanja, održavanja, korištenja i zaštite vodotoka donosi Gradsko vijeće u okviru Plana rada Grada Sarajevo koji gradonačelnica predlaže Gradskom vijeću u februaru za tekuću godinu, u skladu sa Zakonom o razvojnom planiranju i upravljanju razvojem u FBiH.
- (3) Finansiranje planiranih aktivnosti iz stava (1) i stava (2) ovog člana planira se u okviru dokumenta okvirnog budžeta Grada, odnosno godišnjeg budžeta Grada.
- (4) Investicije Grada iz stava (1) i stava (2) ovog člana, koje se odnose na kapitalna ulaganja u izgradnju, sanaciju ili rekonstrukciju zaštitnih vodnih objekata i uređenih korita, predlažu se u program javnih investicija Kantona Sarajevo, odnosno FBiH u skladu i u rokovima propisanim Zakon o budžetima u FBiH i podzakonskim propisima donesenim na osnovu tog zakona.
- (5) Ovom odlukom tekuće održavanje, čišćenje i čuvanje vodnih objekata i uređenih korita u vlasništvu Grada, povjerava se Javnom preduzeću za upravljanje, zaštitu i održavanje objekata Grada Sarajevo i obavljanje komunalnih i drugih djelatnosti od javnog interesa Grada Sarajevo "SARAJEVO" društvo sa ograničenom odgovornošću (u daljnjem tekstu JP "Sarajevo" d.o.o.), u skladu sa Kantonalnim zakonom i članom 8. stav (4) ove odluke, a navedena prava i obaveze JP "Sarajevo" d.o.o. teku od 01.01.2025. godine.

Član 16.

(Finansijska sredstva)

Sredstva potrebna za realizaciju plana iz člana 15. ove odluke obezbjeđuju se iz:

- a) budžeta Grada Sarajevo;
- b) dijela namjenskih sredstava od vodne naknade koje prikuplja Kanton Sarajevo;
- c) budžeta Federacije BiH, Kantona Sarajevo i gradskih općina;
- d) drugih domaćih i međunarodnih izvora finansiranja.

Član 17.

(Nadzor)

- (1) Upravni nadzor nad provođenjem ove odluke vrši Ministarstvo privrede Kantona Sarajevo.
- (2) Inspeksijski nadzor nad provođenjem ove odluke provodi, u skladu sa odredbama Zakona o vodama Kantona Sarajevo, kantonalna vodna inspekcija.
- (3) Praćenje stanja u oblasti koja je predmet odluke i iniciranje mjera za poboljšanje stanja prema nadležnim organima vrši gradonačelnica.

Član 18.

(Kaznene odredbe)

Kaznene odredbe se primjenjuju u skladu sa Osnovnim i Kantonalnim zakonom.

DIO III - PRELAZNE I ZAVRŠNE ODREDBE

Član 19.

(Obaveze u prelaznom periodu)

JP "Sarajevo" d.o.o. izrađuje elaborat o ekonomskoj opravdanosti reorganizacije JP "Sarajevo" d.o.o. u skladu sa članom 15. stav (5) ove odluke u roku od tri mjeseca od stupanja na snagu ove odluke.

Član 20.

(Prestanak važenja ranijih propisa)

Početak primjene ove odluke prestaje da važi Odluka o korištenju, održavanju i čuvanju uređenih korita i obala

vodotoka na području Grada Sarajeva ("Službene novine Kantona Sarajevo", broj 2/07) i Odluka o korištenju, održavanju i čuvanju vodotoka na području Grada Sarajeva ("Službene novine Kantona Sarajevo", broj 4/16).

Član 21.

(Započeti procesi)

- (1) Postupci u kojima se odlučuje o zahtjevima za korištenje uređenih korita i obala vodotoka, započeti na temelju propisa koji je bio na snazi do dana početka primjene ove odluke, okončan će se po odredbama tog propisa.
- (2) Pravosnažna rješenja iz ove oblasti koja su izdata do momenta početka primjene ove Odluke, ostaju na snazi do isteka njihovog važenja.

Član 22.

(Izmjene i dopune)

Izmjene i dopune ove odluke vrše se na način i po postupku predviđenom za njeno donošenje.

Član 23.

(Stupanje na snagu i početak primjene)

Ova odluka stupa na snagu naredni dan od dana objavljanja u "Službenim novinama Kantona Sarajevo", a primjenjuje se od 01.01.2025. godine.

Broj 01-GV-02-483/24
27. marta 2024. godine
Sarajevo

Predsjedavajući
Gradskog vijeća
Jasmin Ademović, s. r.

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), Gradsko vijeće Grada Sarajeva, na 38. sjednici održanoj dana 27.03.2024. godine, donijelo je

ODLUKU

O IZMJENAMA ODLUKE O PLATAMA I NAKNADAMA U ORGANIMA GRADA SARAJEVA

Član 1.

U Odluci o platama i naknadama u organima Grada Sarajeva (u daljem tekstu: Odluka), ("Službene novine Kantona Sarajevo", broj 4/23), član 2. stav (1), tačka c) se mijenja i glasi: "Nositelji funkcija"- gradonačelnik, zamjenici gradonačelnika, predsjedavajući Gradskog vijeća i zamjenici predsjedavajućeg Gradskog vijeća, pravobranilac i zamjenici pravobranioaca, i rukovodilac upravne organizacije koja se nalazi u sastavu organa uprave".

Član 2.

U članu 10. u stavu (1) Odluke iza riječi "nositelji funkcija" dodaju se riječi "koji dužnost obavljaju profesionalno".

Član 3.

U članu 11. u stavu (1) Odluke iza riječi "nositelji funkcija u Gradu Sarajevu" dodaju se riječi "koji dužnost obavljaju profesionalno".

Član 4.

U članu 13. u stavu (1), stavu (2) i stavu (3) Odluke iza riječi "nositelji funkcija" dodaju se riječi "koji dužnost obavljaju profesionalno".

Član 5.

U članu 14. u stavu (1) Odluke iza riječi "nositelji funkcija" dodaju se riječi "koji dužnost obavljaju profesionalno".

Član 6.

U članu 15. Odluke iza riječi "nositelji funkcija" dodaju se riječi "koji dužnost obavljaju profesionalno".

Član 7.

U članu 16. Odluke iza riječi "nositelji funkcija" dodaju se riječi "koji dužnost obavljaju profesionalno".

Član 8.

U članu 17. Odluke iza riječi "nositelji funkcija" dodaju se riječi "koji dužnost obavljaju profesionalno".

Član 9.

U članu 18. u stavu (1) Odluke iza riječi "nositelji funkcija" dodaju se riječi "koji dužnost obavljaju profesionalno".

Član 10.

Ova Odluka stupa na snagu narednog dana od dana objavljanja u "Službenim novinama Kantona Sarajevo".

Broj 01-GV-02-484/24
27. marta 2024. godine
Sarajevo

Predsjedavajući
Gradskog vijeća
Jasmin Ademović, s. r.

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), člana 3. stav (2) Odluke o obilježavanju Dana sjećanja na žrtve zločina protiv čovječnosti u Prijedoru i njegovoj okolini ("Službene novine Kantona Sarajevo", broj 50/22), Gradsko vijeće Grada Sarajeva, na 38. sjednici održanoj dana 27.03.2024. godine, donijelo je

ODLUKU

O DAVANJU SAGLASNOSTI NA PROGRAM AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA PROTIV ČOVJEČNOSTI U PRIJEDORU I NJEGOVOJ OKOLINI ZA 2024. GODINU

Član 1.

(Davanje saglasnosti)

Ovom odlukom daje se saglasnost na Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za 2024. godinu (u daljnjem tekstu: Program), utvrđen od gradonačelnice Grada Sarajeva.

Član 2.

(Davanje ovlaštenja)

Ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preduzima sve ostale aktivnosti potrebne za uspješnu realizaciju Programa.

Član 3.

(Sastavni dio Odluke)

Sastavni dio ove odluke je Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za 2024. godinu.

Član 4.

(Stupanje na snagu)

Ova odluka stupa na snagu narednog dana od dana objavljanja u "Službenim novinama Kantona Sarajevo".

Broj 01-GV-02-486/24
27. marta 2024. godine
Sarajevo

Predsjedavajući
Gradskog vijeća
Jasmin Ademović, s. r.